



Broj: 06-04-20-381-8/24  
Maglaj, 26.02.2024. godine

Na osnovu člana 21. tačka c) i člana 70. Zakona o javnim nabavkama („Službeni glasnik BiH“, br. 39/14 i 59/22) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), a u vezi sa Zapisnikom o pregledu i ocjeni ponuda, broj 06-04-20-381-7/24 od 23.02.2024. godine, u postupku javne nabavke „Usluge održavanja i podrške korisnicima: programskog paketa za budžet i finansije – Finova i programa za općinski matični registar – Datanova u 2024. godini” Općinski načelnik donosi

### ODLUKU

o izboru najpovoljnijeg ponuđača  
u pregovaračkom postupku bez objave obavještenja

#### I

Prihvata se Preporuka Komisije za javne nabavke broj: 06-04-20-381-7/24 od 23.02.2024. godine i ugovor za nabavku usluga održavanja i podrške korisnicima: programskog paketa za budžet i finansije – Finova i programa za općinski matični registar – Datanova u 2024. godini, dodjeljuje se kandidatu „Itineris“ d.o.o. Tuzla, u skladu sa ponudom broj: 15-01-MA-P/2024-1 od 20.04.2024. godine, a u ukupnom iznosu od 6.720,00 KM bez PDV-a, odnosno 7.862,40 KM s PDV-om.

#### II

Za realizaciju ove Odluke zadužuju se Služba Općinskog načelnika i Općinskog vijeća i Služba za privredu, finansije/finansije i razvoj poduzetništva, svaka u dijelu svoje nadležnosti.

#### III

Ova Odluka ima se objaviti na internet stranici Općine Maglaj, u skladu sa članom 70. stav (6) Zakona o javnim nabavkama.

### O b r a z l o ž e n j e

Odlukom o pokretanju postupka, broj: 06-04-20-381/24 od 08.02.2024. godine, pokrenut je postupak nabavke „Usluge održavanja i podrške korisnicima: programskog paketa za budžet i finansije – Finova i programa za općinski matični registar – Datanova u 2024. godini“, putem pregovaračkog postupka bez objave obavještenja o nabavci sa jednim kandidatom, u skladu sa odredbom člana 21. tačka c) Zakona o javnim nabavkama.

U skladu sa odredbama tenderske dokumentacije broj: 06-04-20-381-1/24 od 08.02.2024. godine, provedene su Faza1 i Faza2 postupka, te je Poziv za dostavu konačne ponude upućen dana 19.02.2024. godine „Itineris“ d.o.o. Tuzla, kao autoru i ekskluzivnom vlasniku dizajna struktura baza podataka i vlasniku izvornog koda programskog paketa za lokalnu upravu „NOVA“, dio kojeg su programski paket Finova i program Datanova. Informacija o

provođenju pregovaračkog postupka bez objave obavještenja o nabavci objavljena je na portalu javnih nabavki, u skladu sa članom 28. stav (5) Zakona o javnim nabavkama.

Dana 22.02.2024. godine zaprimljena je ponuda „Itineris“ d.o.o. Tuzla. Komisija za javne nabavke, imenovana Odlukom broj: 05-45-1-875/23 od 22.05.2023. godine, je na zatvorenoj sjednici izvršila otvaranje, pregled i ocjenu pristigle ponude, prema zahtjevima i kriterijima iz tenderske dokumentacije, o čemu je sačinila odgovarajući Zapisnik, u skladu sa članom 65. stav (2) Zakona o javnim nabavkama i članom 20. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15).

Komisija je utvrdila da zaprimljena ponuda ispunjava sve zahtjeve iz tenderske dokumentacije, kako u pogledu forme, načina i rokova dostavljanja (rok dostavljanja na pisani zahtjev ponuđača produžen do 22.02.2024. godine u 16.00 sati), tako i u pogledu predmeta nabavke i uslova realizacije nabavke. Komisija je utvrdila da su u ponudi odvojeno iskazane jednične i ukupne cijene za pružanje usluga održavanja i podrške korisnicima programskog paketa Finova i programa Datanova u trajanju od 12 mjeseci, kao i ukupna cijena na koju je zaključen ugovor.

U postupku donošenja ove Odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti kandidata, te ocjenu pristigle ponude u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, da je pozvani kandidat dostavio prihvatljivu ponudu te da je postupak izbora u konkretnom slučaju izvršen u potpunosti u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 21. tačka c) Zakona o javnim nabavkama, odlučeno je kao u dispozitivu.

**POUKA O PRAVNOM LIJEKU:** Protiv ove Odluke može se izjaviti žalba Uredu za razmatranje žalbi Bosne i Hercegovine, putem ugovornog organa, Općina Maglaj, u roku od 10 (deset) dana od dana prijema Odluke.

DOSTAVLJENO:

1. Kandidat,
2. Služba Općinskog načelnika i Općinskog vijeća,
3. Služba za privredu, finansije/finansije i razvoj poduzetništva,
4. a/a

